

廣德州志卷三十四

人物志

循吏

儒碩

循吏

求治之道莫若吏得其人故循良尚焉桐郡才俊挺生聯翩仕路自憲司以至一命所稱有猷有為有守者並著於篇

宋

李仲鰲任廣西提刑官治獄多平反人懷服之

南畿志

兼提

舉常平義倉茶鹽等事蔚然有政聲

萬厯選舉志

舊不立傳今增

廣德州志

卷三十四

循吏

一

湯景仁熙寧中進士為寧國令以廉介稱人謂其所居地

曰湯清村

據南畿志明一統志增

王廷袞字補之號蓋齋建平人開禧乙丑進士提點江淮刑獄不務苛虐人以恕翁號之歷官兩浙路宣撫時民役取珠多渰廷袞惻然陳奏得免民賴全活祀之海濱性骨鯁論事不避權倖以此與時忤疏乞歸子立道登

嘉定進士

李季志

案廷袞名見萬厯選舉志不詳歷官楊門志亦無傳李志始據縣志錄之中載奏免採珠事考宋史地理

志兩浙路領二府十二州七十九縣雖東西北皆際海所產魚鹽布帛秔稻惟餘杭四明通番互市珠貝外國之物頗充於中藏然則珠爲番貨非浙產明矣其子立道登進士各志不載縣選舉中亦無之不知何據以立傳今姑仍李志錄之

周承勳博學能文舉進士任新昌縣尉發奸戢盜民賴以

安

南畿志

轉知崑山縣卒有清閼集三十卷

明一統志案舊志無傳

增今

明

廣德州志

卷三十四

循吏

二

濮陽瑾字良玉天順癸未選貢授寧陽縣丞兩賑饑民全

活甚衆委督漕糧至誠勸諭民咸樂輸上官交薦以親

老乞歸

通志

送者遮道截鐙及歸推恩故舊修睦鄉里瑾

性端慤外和內剛人無賢否悉致敬焉

萬曆志

先是寧陽

民困於養馬力請於當事疏免之又議貸兩淮鹽賈銀

一萬七千兩市粟備賑民賴以濟明年委賑曲阜汶上

肥城等縣饑所至諭富民出粟以甦老穉弛山澤之禁

令壯者漁獵爲食所活無算克屬二十七州縣以積歉

負糴有司峻法徵催不得藩司命瑾督之瑾悉縱其繲

繫開誠曉諭民感泣爭輸泰岳香稅舊額二萬餘瑾三攝其事絲毫無染額增十之二三在邑九年治狀稱最祠祀名宦居林下三十餘年自號西峯居士年八十五

卒鄉人賢而祀之楊志案此據其孫鄒所作傳文太冗今節潤之

姜溥性穎異善詩文登丁未進士案萬歷選舉志溥成化丁未進士李志作丁酉

誤今授嘉魚知縣卓有政聲推陞監察御史未任卒李志

戴初字復之建平人成化丁未進士性剛介甘貧力學有

詩名歷宰三邑皆以廉稱通志

劉必達號雲峯宏治年貢無錫訓導朔望集諸生講藝賞

廣德州志 卷三十四 循吏 三

其見解明悉者課日必構程擬示之一日課案首華生

故富家子其父德之厚餽以金囑常留意必達怒曰若

貨取我乎擲金戶外拒其子母再與課時稱薄金夫子

邑令陸之後雅重之比入儀曹薦必達民部郎官以老

辭歸據劉氏譜增

徐金鉉字大器號靜菴建平人有才識宏治庚辰以歲薦

授南京副兵馬司檢身勤職當道器之卒於官囊無寸

儲人益誦其清操云楊志

潘潤字時雨號贛溪建平人正德甲戌進士歷官儀部郎

擢守處州當道議增郡賦力爭而止比入覲民有餽遺堅拒弗受衆構却金亭以懷之遷雲南兵備副使通志潤毅然除之富民朱氏被誣繫獄察其寃立爲辨釋人敬愛之李志

王世祿字子廷幼耽經史正德丁丑進士任麻城知縣調象山歷瀘景二州陞戶部員外郎居官清慎治聲藉甚及歸清風兩袖所至皆祀名宦焉楊志

夏鶚字惟舉建平人正德間以國子生任行都司斷事先

廣德州志 卷三十四 循吏 四

是大同軍亂侍郎黃綰委鶚分別情罪擒首惡十一人當道忌其功被論去李志

夏宗仁字以元建平人正德丁丑進士授建寧令民戴其德將內擢病卒所遺唯書籍數卷舒芬高其廉潔作清

風圖贈之楊志縣志案夏宗仁李志無傳

鄭相字廷佐楊門諸志號松泉以文行名選貢爲廷試首

慨然有大志居家孝友尤嗜文成之學宰夏邑九年績奏循良建熙熙臺延賢亭以接諸生癸丑河溢躬畚鍤築隄防會有盜警以計懾伏之鄰邑頌德以卓異稱最

民尸祝之解綬歸養究心理學有懷閩思貞集栗城漫
稿訓蒙小學古本大學註傳世州守段猷顯稱其生平
操履真可企聖希賢沒後流風信可師世範俗云萬歷志
李崇謙字孔濟號松渠孩時聞人讀書輒能記憶十歲父
昭卒斬陽官舍扶櫬歸江行經小孤舟幾覆母馮因戒
崇謙勿讀書見輒焚之既弱冠泣告母曰人不學不知
道卽無意進取書安可不讀時姚江韓應龍授經郡南
戈氏往從之始學爲文韓大稱賞後應龍大魁嘉靖乙
未榜崇謙亦登丁酉賢書去游韓門日纔四年耳選浙

廣德州志

卷三十四

循吏

五

江分水令發廩賑饑所活甚多興學繕城均稅革里甲
諸善政悉舉時兩浙用兵徵餉無常而都御史以巡鹽
來江南者所至餽送不貲崇謙與淳安令海瑞誓無私
謁且上書爲民請命至今分淳二邑皆尸祝之巡撫胡
宗憲平衢婺礦賊俘三百人命鞠之原其誘脅者數十
人邑有冤獄與監司爭之不得後其子得陽令蘭谿崇
謙憶前事授之意竟爲釋之陞江西吉安判不赴後以

得陽貴封吏部郎中年六十七卒

萬歷志參
行狀墓誌

巫璋字朝章

楊志作
彩章

號白涯四歲失怙伯兄撫養之比長

以孝友聞甘貧力學博極羣書登嘉靖己酉鄉薦任調黃州別駕愛民如子廉平聲藉甚薦擢兗州同知未幾調開封政績懋著陞南京戶部員外轉郎中以病告歸歲大祲鬻田賑濟里有鬻妻者貸錢完之立義塾以教貧家子弟著有文章規式忠孝勤儉四箴萬曆志

濮陽江字致源事孀母至孝雖在閨闈未嘗聞笑語聲任

遼州同知鬻家產以濟邊餉計却勁敵太原獲全擢臨

江府通判

參楊李志

夏宗思字以明建平人嘉靖戊午登賢書授雩都令多奇

廣德州志

卷三十四

循吏

六

績時有御史袁淳居鄉以分宜黨恣行侵併宗思上其不法事正其罪百姓爭肖像以祀課最例當得臺省司

銓衡者袁同年友也中沮之改調興山縣因棄官歸

楊志

史可傳號南洲建平人少嗜學性恬靜嘉靖辛酉歲貢選

定興司訓陞祥符教諭以至誠感厲諸生士多化之居

恒不衣冠不見子弟子弟不衣冠亦不敢見云

楊志

濮陽伏字汝昭號繼川始冠卒業成均交天下士任光祿

寺署正遷東昌府通判署篆屬邑捐俸入以補歲額理

冤獄懾猾胥治聲籍籍部使者屢薦之伏固辭歸里爲

戚黨周困乏畢婚嫁無德色至今傳誦之萬歷志

楊志

呂正情字約之建平人孝事繼母隆慶己巳以歲貢授山西平定州同知連攝州縣篆晉土瘠民疲正情極力撫綏裁賦耗恤流移葺城堡嚴保甲所蒞皆有惠政以耿介不能媼阿尖上官意去之日行囊一肩送者攀轅遮

道楊志

呂明倫字子上建平人萬歷癸酉鄉薦知定海縣著海防捷錄諸書以廉允轉山東萊蕪有巨惡元氏世為民害明倫毅然剪除百姓歌舞於道祠祀之陞烏撒軍民府

廣德州志

卷三十四

循吏

七

同知楊志

夏元和字節之建平人萬歷年貢萬歷等志俱云由諸生今據選舉志改 選

茶陵州同知攝篆攸縣陞山東兗州府通判權臨清關一意潔已榜廳事後云摘蔬尋別味種竹映虛心以盡瘁卒官充人無不哀泣楊志

甯瑞鯉字壽卿萬歷乙未進士授南豐知縣歷知成都府考天下清官第一擢淞江按察副使廣西廉使所至俱有惠政謝政歸鄉里多蒙其澤者李志

潘紹芳號登龍建平人萬歷間由歲薦歷任海寧進賢二

邑丞皆釐弊除奸著有聲績遷西域之馬平令設碑革
困民諸稅政百姓歡呼遍於城野及歸行李蕭然季志
夏之時字士寅號剡溪其學一根六籍爲名諸生性凝飭
儉耦中絕無偏昵與人語輒傾襟意有不可凜如也居
恒誦法文正其先世曾捐置義田以贍俗之貧者之時
復偕伯父大司馬增置若干畝時進族子弟訓課之丁
酉登賢書家居十餘年未嘗以私干當事人謂有子羽
之風丁未以乙榜署含山學事大成殿圯以家貲千餘
金重新之諸生藉以舉火者數十家卒於署咸痛苦失

廣德州志

卷三十四

循吏

八

聲執心喪焉

萬歷志
楊志

周化字育卿號靜菴萬歷間由太學生歷任廣信汀州二
府照磨轉陝西醴泉縣丞攝縣印一載悉心撫字以勞
積疾卒於任所遺酒杯書篋而已先是有縣吏以非辜
陷死罪化察其冤爲營救得脫吏感德繪像事之後迎
櫬者并持以歸今像尙存

據周氏
譜增

雲鳳岐字虞卿號巢阿萬歷壬子歲貢任通州海門教諭
伯鹽政之亂士民羅網者百餘人時讞獄者欲取決於
鳳岐諸生夤夜投金納券盈案鳳岐怒麾之曰我豈戀

一官貽累若曹者火其券還其金慨然以身當之不累諸生一人事定棄官歸海門人祠祀之額曰海國恩波

〔李志〕〔案〕鳳岐楊門二志無傳鹽政事未詳

李熙載號振寰家貧失學十年始發憤讀書暑月嘗納足囊中卒為學者萬歷乙卯歲貢任金壇訓導陞青神縣令賦性狷潔恪守官箴卒年八十餘

〔楊志〕

雲文彩號儀寰萬歷己未歲貢任德化主簿有異政御史張銓美其才疏薦擢普寧令任繁劇攝鄰篆摘伏如神案無畱牘陞永昌府通判致仕生平重然諾敦故舊濟

廣德州志

卷三十四

循吏

九

緩急有古人風

〔楊志〕

王之棟字嘉隆號柱石建平人兄弟五人之棟處季盡以腴產讓諸兄以准貢選邛州僉判攝篆滎蒲二邑士民愛戴會計叛蠻之棟督餉黎城瀘河諸處山路險巖之棟調運不匱運夫多觸瘴道斃者掩埋之時給醫藥督撫交薦以守正不阿卒左遷藩相卽解綬歸年六十八

卒

〔通志〕〔楊志〕〔縣志〕

王之講字嘉學號育彝建平人由太學生授慈谿簿佐理撫循精明慎密疏河流淤塞以禦水旱邑人為建生祠

立碑紀事且為詩歌以贈之季志案之講楊

甯用轍字叔由季志作叔山誤天啟辛酉恩貢天姿雋逸擅名藝

苑涖任華容民苦浮糧設法徵輸民困稍蘇時豪衿恣

橫用轍扶弱抑強民戴之如慈父林下四十餘年優游

詩弈壽九十二終楊志

楊時春字茂先建平人登天啟甲子賢書授銅陵教諭捐

俸葺學宮學前有玉帶河築堤瀦水銅士賴之陞慈利

知縣地逼麻寮美坪諸峒山獠出沒時春恩威並濟士

人畏服值流寇告警時春催科有法軍需無誤部臺交

廣德州志 卷三十四 循吏 十

薦調繁長沙以勞卒楊志

濮陽景旦居家孝友持躬端肅少擅文譽郡大夫屢延不

至倡築興陽壩以禦水患數千家利賴之天啟丙寅歲

貢任海門訓導六載所得俸半以濟寒士捐資建魁星

樓復丁祭舊典有成季二生被誣應禠景旦力辨雪之

報以多金正色拒之乙亥寇警維揚知縣教諭多別署

上官檄調守城早夜捍護致疾卒於署邑人號慟建碑

紀績都御史鄭二陽疏請旌卹楊志

斌美字美生號粹菴建平人崇禎元年選貢任紹興嵒

縣丞署縣篆廉而有守惠能養民民甚德之丁內艱歸行李蕭然資斧不給觀者太息楊志

戈簡字行可號臣在崇禎辛未進士任晉江知縣晉故仕宦藪簡謝絕請謁凡綜賦汰役練兵積穀息海氛靖山寇皆有成績通志先是秉鐸東光修學造士為郡人築館燕都既登第闈藝大為臨川艾千子所賞溫陵俗險健案山積簡多方勸諭踰年訟息濬河濟運今戈公陂是也試童子搜拔寒雋兩科元魁如蔡道憲鄭羽儀張廷榜輩皆出其門下丙子分校閩闈得士最盛六年報最

廣德州志

卷三十四

循吏

十一

邑人緝同春錄以紀其績嘗攝篆南安民愛慕與晉埒兩居憂苦塊致疾卒著有遠菴集楊志泰戈氏譜

戈天龍號鼎湖崇禎六年歲貢授福建南靖訓導與閩中才雋講論經術郡紳黃道周雅重之擢尤溪知縣撫字心勞宿逋一清以廉介失上官意致政歸後補廣濟知縣未任卒楊志

王重臣字叔葵號葵赤建平人由明經授蜀省唐安州佐值流賊分三道寇蜀渡白水破漢縣距唐安祇數十里刺史聞警率僚屬拜於庭曰君才十倍僕僕願如許遠

故事願君母讓睢陽重臣乃集士民會議修器械設方
畧因三江之險連營列寨賊望風而靡復攝篆江油條
具五難四苦爲民請命江油民歌之曰父兮生我母兮
育我不有王令誰其植我及歸父老流涕送之立祠以
祀李志

國朝

包元狝字拂雲號我澄順治戊子恩貢授平陰令時濟
上屯兵縣苦供億元狝多方區畫賴以不匱更捐三百
金以佐軍需蝗入縣界虔禱之遂出境斷獄明允有龍

廣德州志

卷三十四

循吏

十三

圖再見之謠通志
楊志

盛士真字光含號雅南建平人學問淹博由選拔授知
縣丁外艱未就旣令北直任縣除弊興利勇於有爲陞
濟寧知州未赴而卒篋中祇餘銀二兩士民哀其廉歛
金治喪歸其櫬焉李志

張希哲號耐菴順治六年歲貢磊落有才識郡有溢額
之征久爲民病希哲入京應選謀於部設法除之司訓
崑山己亥值京口之警衆欲棄城去希哲不可集紳士
爲固守計遷天長教諭調太倉學正擢山西稷山縣興

學校嚴講課期月治成時清釐漏賦按籍墾荒陽平里
被困尤甚希哲憫之具請得免編審人丁均徭平賦糧
不盈石者概免歲旱虔禱甘霖立沛邑紳士作詩頌之
其客編爲高粱集擢內翰去邑民走送百里外據高粱集及張氏譜增

戈啟斗字公明號月林順治七年歲貢任蘇州府訓導
倡修文廟學舍巡按李森先廉其端介咨以地方利弊
薦授義寧令邑多盜督捕有方捐俸五百餘金代輸歲
額去官之日行李蕭然楊志

廣德州志

卷三十四

循吏

十三

戈瑤字金如號樵雲順治辛卯監貢考授中書舍人時
有疏議改州歸府轄者州人皇皇瑤條其不便者數事
都御史宜公永貴具題仍舊楊志

呂光盛字文徵號易菴建平人由明經司訓天長敦文
教植寒士遷長山丞俗悍民強光盛以德禮導之民稱
爲呂佛卒於官囊無寸儲縣令徐捐貲送之李志

岑鶴字羽長號懺菴建平人康熙甲辰進士授河南西
華令首禁奸民詭寄免差諸弊築扶溝張善口民甚賴
之以內艱歸復補河陰值歲歉鶴賑救有方無冒無漏

擢鎮南知州所至有聲陞禮部郎中以疾歸居家儉約
不殊寒素季志

宗芳字漢臣號靜菴建平人由副貢任蜀之建始令兵
燹之後人未知學芳力興文教不數年簪纓相繼邑民
祠祀之比於文翁再任通許兩值歉歲陳於郡守轉請
蠲賦民乃得生季志

陳鑑字旦先由貢生司訓淮安與諸生切劘道義冢宰
張文端公總督河務知其能委給夫役工食以學博總
理錢穀非舊例也季志

廣德州志

卷三十四

循吏

十四

王逢龍字孟雲教習八旗授山東鹽運判分司膠萊時
上下兩關有私派陋規逢龍詳請勒禁大僚疏薦兼司
雒口關稅務委勘東省旱蝗捐錢米設藥局多所全活

季志逢龍清廉謹恪常惡矯虔以虐民者康熙二十年調
杭州府通判檄解耿逆家口至部逢龍體素羸不耐暑
行次蘇州以暍病卒貧不能具柩杭州府志

巫樗孫字皇士號寧菴康熙庚辰進士知桃源縣潔己
愛民清剔陋規聽訟平反修文廟建橋梁惠政甚多因
望誤左遷北直通州州判管理七省軍白二糧上慎國

儲下除積弊立義學二處講學殷勤尋乞休卒於家

李志

王志援字予濟號竹屏建平人十歲有文名康熙丙戌進士奉親以孝著未第時憫兄弟之困言於父母曰兒猶能舌耕願以田宅讓之尺土寸椽勿有也居恒恂恂不與外事其有便於鄉者輒引爲己任如請改徵邑漕至今賴之尹桂陽却餽減耗清節著聞課農養老育嬰諸善政畢舉以分校卒於棘闈民爲巷哭祀之名宦位在濂溪先生下云

李志

戴兆佳字士期建平人康熙丙戌進士令浙之天台斷

廣德州志

卷三十四

循吏

十五

決若流洞中窾要邑居山僻民頑難治兆佳銳意振興登善良鋤豪猾振學校勵農桑清賦役釐保甲開義塾贍常平斥淫祀修名蹟繕城浚隍埋胔瘞骸百廢具興又台值兵燹後版籍脫漏飛詭舛亂末由振刷兆佳履畝丈量按地覈主銅弊頓清會以歲歉委賑三邑全活數萬政績詳載天台治畧後擢主事晉員外尋改禮部

卒於官

李志

宗高舉字一蜚號梧岡建平人乾隆初由廩生舉孝廉方正司訓陽湖調淮安砥行衡文多所成就辛未癸酉

河淮漫溢檄委辦賑遍歷清河桃源及本境七州縣悉心查核按戶親給胥吏不能爲奸民沾實惠縣申稿漢陽樓字凌雲號荇溪與兄模俱內行淳摯學博文雄乾隆乙丑進士令陝西之三水地瘠民貧樓盡心撫字訓農勸學石門關有馬厰地三十餘頃饒薄僅足輸賦額戶口凋敝樓詳減其四之三民始樂業

王師討準夷道出邠州委辦臺站絲毫不以擾民典史盧某卒於官櫬及家口不能歸樓捐俸弔之丙子己卯分校省闈所薦皆名士以磨勘對部議邑人如失慈父母

廣德州志

卷三十四

循吏

十六

焉樓居官清約去之日幾無以辦裝旣回籍候補遂不復出著有文杏堂稿葩經儷語左氏駢言子四皆庠生次袁乾隆癸卯副榜尋卒士論惜之據家傳

陳惇字九叙號厚堂登庚辰賢書丙戌挑發閩省閩濱海阻山夙號奸藪初令古田調寧化地接清流之董家嶺積匪窟穴也擾害七邑惇至悉擒置之法邑多虎患禱於神作檄驅之虎遠去擢判福寧署漳浦縣有孫蔡兩巨猾素豪橫孫爪牙尤衆前令不能捕惇計獲誅之蔡亦問戍邑賴以寧乙巳以本缺裁移駐泉州蚶江會

大軍進勦臺匪兵弁軍裝糧餉率由蚌江渡臺然係新立
航舶甚少惇經理一年濟運無缺及凱旋署興化郡仍
攝篆興糧蚌江竟以積勞卒惇至性純篤其赴閩也以
母喪憚遠行弗克迎養作反哺辭十二章奔母喪哀毀
骨立聞弟錫訃一慟成疾又好施予族鄰咸感其惠焉
據行述

儒碩

漢時儒林非經明行修不與後世所稱鴻儒大率如王充所云精思著文連結篇章者耳桐川自治平後儒風日振繼得文莊講學士咸以道學相切劘遺韻流風於茲未墜至若植品視躬無愧篤行君子者亦多可紀依舊志目為儒碩云

宋

查深字道源隱居力學治平間郡守錢公輔疏其行諡薦於朝力辭不赴乃為築堂於城西玉溪之上名曰清容

廣德州志

卷三十四

儒碩

十六

延請教誨郡人子弟循循善誘儒風日振學者稱清容

先生有文集二十卷

南畿志明一統志萬曆志通志

明

錢用壬字成夫元南榜進士第一授翰林編修出使張士

誠畱之授以官大軍下淮揚來歸

明詩綜出為江浙行省左右司員外郎既

而參平章張士信軍事於淮安

累官御史臺經歷預定

律令尋與陶安等博議郊廟社稷諸儀其議釋奠藉田

皆援據經文及漢魏以來故事以定其制用壬言文廟

祀典宜於每歲仲春秋上丁皇帝降香遣官祀於國學

以丞相初獻翰林學士亞獻國子祭酒終獻自文廟至此據通志

及明史禮志補又言漢鄭元謂王社在藉田之中唐祝欽明云

先農卽社宋陳祥道謂社自社先農自先農藉田所祭

乃先農非社也至享先農與躬藉同日禮無明文惟周

語曰農正陳藉禮而韋昭注云祭其神爲農祈也至漢

以藉田之日祀先農而其禮始著由晉至唐宋相沿不

廢政和間命有司享先農止行親耕之禮南渡後復親

祀元雖議耕藉竟不親行其祀先農命有司攝事今議

耕藉之日皇帝躬祀先農禮畢躬耕藉田以仲春擇日

廣德州志

卷三十四

儒碩

十九

行事據明史禮志補案傳文有云語詳禮志今補之而節去此句詔報可洪武元年

分建六部官拜用壬禮部尙書凡禮儀祭祀宴享貢舉

諸政皆專屬禮官又詔與儒臣議定乘輿以下官服車

式時儒生多習古義而用壬考証尤詳確其年十二月

請告歸明史陶安傳賜居湖州據明詩綜補

案錢尙書爲有明開國儒臣明史旣爲立傳又贊云

明初議禮釋奠耕藉用錢用壬能援據經義酌古準

今郁然成一代休明之治其予之也至矣萬曆志乃

僅於選舉志載洪武敕中命貳憲司云云而不爲作

傳楊門等志移入名賢傳卽用其文鄙陋已甚至明史傳中所稱祭祀宴享諸議惜已無考其詳禮志者今悉採以補之亦是邦之光也

謝士貞字彥良建平人永樂中以明經任本學訓導循循善誘邑人知學皆其教也通志後家居淡泊自奉年九十卒嘗有詩曰林藏書屋天能幾梅占山窗月不多其雅致可想縣志

濮陽涑號真菴嘉靖丁酉舉人公車時值楊繼盛以忠諫死涑素服往哭為文祭之幾被禍通判南昌三署屬邑

廣德州志

卷三十四

儒碩

三

平花園積寇獲豐城劫盜為人端直俸入不以自潤積穀備賑歲稔全活者衆致仕歸學宗伊洛正脈為里中人物冠冕本郡不養馬不歸府轄皆藉其力所著有四書禮記貞義韻學大成圖書性理訂疑通志系禹志李志

夏思字睿甫禹志號官明少而苦學寒暑不輟舉隆慶庚

午鄉試太倉王錫爵奇其文延為子衡師起家瑞昌教諭累遷禮部司務以請建儲忤旨歸著有約言編還初

錄通志世稱學者必曰官明先生楊志

王維謨字正甫萬曆初為齋長家貧篤行與李天植從鄒

東廓講明道學稱爲心絃先生年八十五卒著有禮經
主意李志

鄭勳字國忠號東雲私淑文莊天性孝友一敦實履遇僂
利子輒引避曰寧爲此輩譙訕耳少失怙終身不爲華
服撫孤姪不啻己子生平無輕然諾都人士藉其言爲
重指其居曰蘭宅以勳居蘭塘故名且以志德馨也捐
館後諸同志請之州刺史有云倘生齊魯之故地擬列
宮牆旣承東廓之淵源合從俎豆聞者以爲實錄萬志
勳由萬歷庚子歲貢任安吉訓導楊志

廣德州志

卷三十四

儒碩

三

國朝

甯謙字皆吉號朗齋廩生孝友醇慤博學能文接物藹
然圭角不露有叔度汪洋之致內存剛介不趨權勢隱
居教授先德行而後文藝少有踰檢者卽屏之督學張
運青甚爲嘉賞舉其優行著有畱餘堂詩集李志
雲中官字軒臣號澹菴高才生選貢文譽籍甚康熙癸
未登進士爲人狷潔抗直不樂仕宦先是中官爲王尙
書子弟師王推薦之應選庶常固辭南歸明年王少司
農及崑山徐公皆齎書敦聘不赴旣補中書舍人亦不

就爲學力探儒先闡奧文章醇實海內學者宗之鑿山
取煤爲郡大害有豪商欲圖開挖州人訟之不能直中
官馳書趙侍御嗣晉力懇于中丞劉公事得寢中官免
病疫親侍湯藥晝夜扶掖兩月無倦意孝友敦睦足爲
鄉里子弟法家甚貧常授經他省辭歸主人強納四十
金於行笥要之明年復往不果欲還其金無便臨沒猶
出金囑其子必寄之封識如初閱六年矣卒年四十四
次子輝萼博學能文著有古文從吾錄古詩鼎選早卒

通志
季志